





Osnaživanje
održivog rasta
u Bosni i Hercegovini



**Transformišite
svoje poslovanje
uz pomoć
zelenih i održivih
rješenja**



Evropska banka za obnovu i razvoj (EBRD), u partnerstvu s Evropskom unijom (EU), provodi program **“SME Go Green”**. Program je prilagođen za podršku malim i srednjim preduzećima (MSP) u Bosni i Hercegovini. Kroz ovaj program, MSP imaju priliku da usklade svoje poslovanje s EU i međunarodnim standardima. Sredstva su u potpunosti namijenjena za ulaganja u zelenu ekonomiju, uključujući projekte energetske efikasnosti, efikasnog korištenja resursa i obnovljivih izvora energije, za koje se očekuje da će doprinijeti smanjenju emisije stakleničkih gasova u zemlji, kao i podršci povezanim lancima vrijednosti u agrobiznisu.

Zašto se pridružiti “SME Go Green” programu?

“SME Go Green” program ima za cilj da:

- **Poveća** ulaganja u zelenu ekonomiju, **uključujući** energetska efikasnost, efikasno korištenje resursa i rješenja zasnovana na obnovljivim izvorima energije.
- **Promoviše ozelenjavanje agrobiznisa, uključujući i povezane lance vrijednosti**, pomažući ovim preduzećima u regiji da smanje svoj utjecaj na okoliš, a istovremeno postanu održivija i otpornija na rizike koje donose klimatske promjene.
- **Unaprijedi konkurentnost MSP i** potencijal privatnog sektora za izvoz kroz ciljana ulaganja u održive prakse i usvajanje međunarodno priznatih standarda kvaliteta.
- **Ojača finansijski sektor** kroz podršku klimatskoj otpornosti i inkluzivnosti lokalne ekonomije, uključujući jačanje kapaciteta finansijskih institucija i preduzeća za implementaciju održivih, inkluzivnih i zelenih rješenja.
- **Omogući ravnopravan pristup finansiranju**, posebno za žene poduzetnice i MSP koje vode žene, kada je riječ o sredstvima namijenjenim za borbu protiv klimatskih promjena.

Program također podržava inkluzivnost, pri čemu se očekuje da 25% podržanih MSP budu preduzeća koja vode žene, dok će 33% ulaganja biti usmjereno na ekološku transformaciju agrobiznisa, uključujući i povezane lance vrijednosti.

Kako “SME Go Green” program podržava vaše poslovanje

Program “SME Go Green” nudi sveobuhvatan paket pomoći MSP da postignu uspjeh kroz:

➤ Kreditne linije

Ciljano finansiranje koje pružaju lokalne partnerske finansijske institucije, specifično za podobna zelena ulaganja MSP.

➤ Investicione poticaje koje finansira EU:

Grant se obračunava na iznos kredita ili iznos investicijskih troškova umanjenih za iznos poreza, carine i fiskalnih troškova, u zavisnosti koji je manji:

- 15% na obnovljive izvore energije i investicije u agrobiznis i povezane lance vrijednosti
- 10% za ostale podobne investicije.

➤ Tehničku pomoć:


MSP dobijaju besplatnu tehničku podršku kako bi uspješno implementirali održive prakse i tehnologije.

Uz ove resurse, MSP mogu poboljšati pristup finansiranju, povećati efikasnost resursa i usvojiti rješenja zasnovana na obnovljivim izvorima energije.





“SME Go Green”
program



je tu da podrži
vaše poslovanje.
Učestvovanjem u
programu, unaprijedit
ćete konkurentnost
i održivost svog
preduzeća.

Za više informacija, molimo vas da nas
kontaktirate na info.bih@sme-gogreen.com.



Co-funded by
the European Union